



საქართველოს რეგიონული განვითარებისა და ინფრასტრუქტურის მინისტრის

ბ რ ძ ა ნ ე ბ ა

თბილისი

17/06/2021

N 68/ო

**ბორჯომის მუნიციპალიტეტში სოფელ ცემის ტერიტორიაზე მდებარე მიწის ნაკვეთებზე (მიწის
(უძრავი ქონების) საკადასტრო კოდები: №64.25.04.047; №64.25.04.154;) საცხოვრებელი და
სპორტული კომპლექსის მშენებლობისათვის განაშენიანების დეტალური გეგმის შემუშავების
ინიციირების და დავალების გაცემის თაობაზე**

საქართველოს რეგიონული განვითარებისა და ინფრასტრუქტურის სამინისტროს 2021 წლის 31 მაისის №3195/01 განცხადებით მომართა შპს „კალასი“-ს (ს/კ205011217) დირექტორმა გიორგი ხუციშვილმა (პ.ნ.59001014461). წარმოდგენილი დოკუმენტაციის საფუძველზე, განმცხადებელმა მოითხოვა ბორჯომის მუნიციპალიტეტში სოფელ ცემის ტერიტორიაზე მდებარე მიწის ნაკვეთებზე (მიწის (უძრავი ქონების) საკადასტრო კოდები: №64.25.04.047; №64.25.04.154;) საცხოვრებელი და სპორტული კომპლექსის მშენებლობისათვის განაშენიანების დეტალური გეგმის შემუშავების შესაძლებლობის განხილვა და შესაბამისი დავალების გაცემა.

საქართველოს რეგიონული განვითარებისა და ინფრასტრუქტურის სამინისტრომ წარმოდგენილი დოკუმენტაციის საფუძველზე დაადგინა, რომ განმცხადებლის დაინტერესებაში არსებული უძრავი ქონება „ბაკურიანისთვის სარეკრეაციო ტერიტორიის სტატუსის მინიჭებისა და საზღვრების დამტკიცების შესახებ“ საქართველოს მთავრობის 2018 წლის 6 მარტის №116 დადგენილებით დამტკიცებული დანართების შესაბამისად, ხვდება ბაკურიანის სარეკრეაციო ტერიტორიის საზღვარში, სოფელ ცემში.

წარმოდგენილი დოკუმენტიდან ირკვევა, რომ დაგეგმვის ამოცანას წარმოადგენს საპროექტო ტერიტორიის განვითარება საცხოვრებელი და სპორტული კომპლექსის ფუნქციით (სასტუმრო, აპარტოტელი, კოტეჯები, სპორტული მოედნები, კვების ობიექტები, და შესაბამისი ინფრასტრუქტურა რეკრეაციული ობიექტები და ა.შ.). პროექტის მიზანია შეიქმნას ჯანსაღი გარემო, სპორტული და აქტიური დასვენებისთვის საჭირო ღონისძიებების განსახორციელებლად. ტერიტორიაზე ძირითადად დაგეგმილია 30-40 ერთეული 3-4 სართულიანი მანსარდული ტიპის შენობების განთავსება ერთიანი არქიტექტურული იერსახით. ასევე არქიტექტურულ ანსამბლში დომინანტური მოცულობების შესაქმნელად და მთლიანი არქიტექტურული გამომსახველობის კომპოზიციური წონასწორობისთვის დაგეგმილია რამოდენიმე უფრო მაღალი 6-7 სართულიანი შენობის განთავსება. შენობების მიწისპირა სართულებზე მოეწყობა კაფე-რესტორნები, მაღაზიები, სამედიცინო კაბინეტები, საოფისე სივრცეები და სხვა საყოფაცხოვრებო დანიშნულების კომერციული ობიექტები. პროექტით კომპლექსის შიდა პერიმეტრზე იმპორავებენ ელექტრომობილები და მოემსახურებიან ვიზიტორებს საპარკინგე ზონიდან კომპლექსის ნებისმიერ წერტილში მისასვლელად.

ყოველივე ზემოაღნიშნულის გათვალისწინებით, მიზანშეწონილია, ამ ბრძანების დანართი №1-ით გათვალისწინებულ გეგმარებით ერთეულზე საცხოვრებელი და სპორტული კომპლექსის

განაშენიანების დეტალური გეგმის დამუშავება, კანონმდებლობით დადგენილი მოთხოვნების გათვალისწინებით.

საქართველოს კანონის „საქართველოს სივრცის დაგეგმარების, არქიტექტურული და სამშენებლო საქმიანობის კოდექსი“ 36-ე მუხლის მე-2 ნაწილისა და 47-ე მუხლის მე-2 ნაწილის, „სივრცის დაგეგმარებისა და ქალაქთმშენებლობითი გეგმების შემუშავების წესის შესახებ“ საქართველოს მთავრობის 2019 წლის 3 ივნისის №260 დადგენილებით დამტკიცებული სივრცის დაგეგმარებისა და ქალაქთმშენებლობითი გეგმების შემუშავების წესის მე-4 მუხლის მე-2 პუნქტის „ა“ ქვეპუნქტისა და მე-8 მუხლის მე-5 პუნქტის საფუძველზე და „ბაკურიანისთვის სარეკრეაციო ტერიტორიის სტატუსის მინიჭებისა და საზღვრების დამტკიცების შესახებ“ საქართველოს მთავრობის 2018 წლის 6 მარტის №116 დადგენილების გათვალისწინებით.

ებრძანებ:

1. მიღებულ იქნეს დადებითი გადაწყვეტილება კერძო ინიციატივის საფუძველზე, ამ ბრძანების დანართი №1-ით განსაზღვრული გეგმარებითი ერთეულისთვის განაშენიანების დეტალური გეგმის შემუშავების თაობაზე, ამავე ბრძანების დანართი №2-ით გათვალისწინებული განაშენიანების დეტალური გეგმის დავალების შესაბამისად.
2. დაევალოს სივრცითი დაგეგმარების დეპარტამენტის უფროსს (პირველადი სტრუქტურული ერთეულის ხელმძღვანელი), ნიწო გვენცამეს შესაბამისი ადმინისტრაციული ხელშეკრულების გაფორმება შპს „კალასი“-ს (ს/კ205011217) დირექტორ გიორგი ხუციშვილთან (პ.ნ.59001014461) ამ ბრძანებით დადგენილი პირობების გათვალისწინებით.
3. განაშენიანების დეტალური გეგმა შემუშავებულ უნდა იქნეს ამ ბრძანების მე-2 პუნქტით გათვალისწინებული ადმინისტრაციული ხელშეკრულების გაფორმებიდან 12 (თორმეტი) თვის ვადაში.
4. ამ ბრძანების მე-3 პუნქტით გათვალისწინებულ ვადაში განაშენიანების დეტალური გეგმის წარმოდგენლობის შემთხვევაში, ბრძანება, შესაბამისი თარიღიდან, ჩაითვალოს ძალადაკარგულად და შეწყვეტილ იქნეს ადმინისტრაციული ხელშეკრულება.
5. ბრძანება ძალაშია ხელმოწერისთანავე.
6. ბრძანება შესაძლებელია გასაჩივრდეს მისი გაცნობიდან 1 (ერთი) თვის ვადაში თბილისის საქალაქო სასამართლოში (მისამართი: ქ. თბილისი, დავით აღმაშენებლის ხეივანი მე-12 კილომეტრი, №6), კანონმდებლობით დადგენილი წესით.

ირაკლი ქარსელაძე

მინისტრი